

Career Choices Dewis Gyrfa
Gyrfa Cymru

ADRODDIAD BLYNDODOL CRYNO 2015-16



Llywodraeth Cymru
Welsh Government



UNDES Ewropeaidd
EUROPEAN UNION



Llywodraeth Cymru
Welsh Government

Cronfa Gymdeithasol Ewrop
European Social Fund

Ein Gweledigaeth, Ein Cenhadaeth a'n Gwerthoedd	3
Cyflwyniad	4
Ein Gwasanaethau	6
Cipolwg ar y Flwyddyn	8
Gweithio mewn Partneriaeth	10
Cyflawniadau ein Gwasanaethau mewn Addysg	12
Cyflawniadau ein Gwasanaethau Digidol	14
Cyflawniadau ein Gwasanaethau yn y Farchnad Lafur	16
Ein Staff	18
Cyfraniad at Fesurau Perfformiad ar gyfer Sgiliau Llywodraeth Cymru	19
Edrych i'r Dyfodol	20

 www.gyrfacymru.com

 sgwrs ar-lein

 post@gyrfacymru.com

 0800 028 48 44

 /gyrfacymru

 @gyrfacymru

 /gyrfa_cymru

 YouTube





Neges gan y Prif Weithredwr

Pleser o'r mwyaf i mi yw cyflwyno'r adroddiad cryno hwn o Career Choices Dewis Gyrfa Cyf (CCDG). Rydym yn is-gwmni ym mherchnogaeth Iwyr Llywodraeth Cymru, yn masnachu fel Gyrfa Cymru, a ni sy'n darparu'r gwasanaeth Gwybodaeth, Cyngor a Chyfarwyddyd Gyrfaedd annibynnol, diduedd a dwyieithog i bobl o bob oedran yng Nghymru.

Yn Gyrfa Cymru rydym yn teimlo'n angerddol ynglŷn â helpu cleientiaid i gyflawni eu potensial – dyma'r hyn a wnawn ac rydym yn gwneud hynny'n llwyddiannus. Rydym yn ysbrydoli, yn galluogi ac yn ysgogi cleientiaid ac yn eu helpu i ddatblygu'r sgiliau rheoli gyrfa sydd eu hangen arnynt i gystadlu am swyddi, rheoli eu gyrfa a gwneud penderfyniadau mewn byd cymhleth.

Mae'r adroddiad blynyddol hwn yn tynnu sylw at yr effaith a gyflawnir gennym a bydd yn rhoi dealltwriaeth i chi o'r modd rydym yn gweithio â phartneriaid i gyflwyno ystod o wasanaethau sy'n helpu cleientiaid i gymryd rheolaeth dros eu gyrfaedd.

Mae rhai o'r cyflawniadau a'r datblygiadau sydd yn yr adroddiad yn cynnwys:

- Cyflawni'r holl ddangosyddion perfformiad allweddol a osodwyd ar ein cyfer gan Lywodraeth Cymru;
- Rhoi gwasanaethau digidol newydd cyffrous ar waith;
- Gwerthusiad annibynnol hynod gadarnhaol o'n gwasanaethau;
- Darparu ystod o gynadleddau gyrfaedd a sgiliau ar raddfa fawr;
- Sefydlu partneriaethau Dosbarth Busnes rhwng cyflogwyr ac ysgolion a pharhau i gyflwyno ein Hyfforddiant Cenhadon Busnes;
- Datblygu adnoddau 'gyrfaedd' i'w defnyddio gan athrawon ac eraill a'n cefnogaeth i ysgolion a cholegau drwy hyfforddiant a Marc Gyrfa Cymru;
- Effaith ein cefnogaeth ar gyfer oedolion di-waith drwy'r Porth Sgiliau Unigol;
- Ein cymorth ar gyfer y rhai sy'n wynebu diswyddiad.

Mae'r cyflawniadau hyn yn dangos bod Gyrfa Cymru yn helpu i gefnogi'r economi a gwella effeithlonrwydd ac effeithiolrwydd y buddsoddiad o £4.3b mewn addysg a sgiliau a wneir gan Lywodraeth Cymru bob blwyddyn.

Fel llawer o sefydliadau, rydym wedi wynebu heriau, ansicrwydd a newid sylweddol yn ystod y blynyddoedd diwethaf. Hoffwn fanteisio ar y cyfle hwn i ddiolch i'm cydweithwyr yn Gyrfa Cymru am eu proffesiynoldeb, ymrwymiad ac ymroddiad parhaus drwy'r cyfnodau anodd hyn. Hoffwn ddiolch hefyd i Fwrdd CCDG am eu cefnogaeth a'u harweiniad parhaus, ac yn arbennig i'n cyn-gadeirydd - John Taylor.

Nid oes unrhyw amheuaeth y bydd heriau pellach o'n blaenau ond, fel y dangosir yn yr adroddiad hwn, rwy'n hyderus y byddwn yn eu hwynebu gyda gwydnwch, penderfyniad a ffocws clir ar ein cleientiaid.

Richard Spear

Prif Weithredwr

EIN GWASANAETHAU

Ein diben yw cefnogi cleientiaid i gynllunio a rheoli eu gyrfaoedd yn fwy effeithiol, gan gydnabod nad yw rheoli gyrfaoedd bellach yn golygu un dewis galwedigaethol, ond yn hytrach gyfres o newidiadau gyrfa drwy gydol oes. Drwy wella sgiliau rheoli gyrfa a chymwyseddau cleientiaid, gallant wneud y newidiadau hyn yn rhwyddach, cael mwy o foddhad gyda'u gyrfaoedd a chwarae rhan fwy gweithredol yn yr economi.

Mae ein gwasanaethau sy'n canolbwyntio ar y cleient wedi helpu defnyddwyr i archwilio a deall y cyfleoedd addysg a swyddi sydd ar gael a pha mor addas ydynt, a gosod nodau gyrfa, gwneud penderfyniadau a chynllunio pa gamau i'w cymryd, er mwyn gweithio tuag at sicrhau eu bod yn dilyn yr yrfa orau sydd ar gael iddynt.

Darparwyd ein gwasanaethau gwybodaeth, cyngor a chyfarwyddyd diduedd gan bobl broffesiynol gymwys mewn nifer o leoliadau – ysgolion, colegau, ein canolfannau gyrfa, safleoedd partneriaid ac mewn digwyddiadau.

Mae ein gwasanaethau digidol ar gael i bawb. Drwy ein gwefan - gyrfacymru.com – cynigiwyd gwybodaeth ac adnoddau rhyngweithiol o absawdd uchel ac roedd rhagor o wybodaeth a chefnogaeth ar gael i bawb drwy wesgwrsio, ein llinell gymorth a sianelau'r cyfryngau cymdeithasol.

Mae ein gwefan yn darparu gwybodaeth ac ansawdd uchel gan gynnwys:


- gwybodaeth Marchnad Lafur (GML) hygyrch a chyfoes sy'n cwmpasu ystod o feysydd gyrfa a sectorau blaenoriaeth lle mae'n debygol y bydd cyfleoedd yn y dyfodol; a
- gwybodaeth fanwl am swyddi, fideos ac astudiaethau achos ar gannoedd o swyddi.

Bydd ymwelwyr â gyrfacymru.com hefyd yn darganfod adnoddau rhyngweithiol a fydd yn eu galluogi i:

- gynhyrchu syniadau gyrfa personol i gyd-fynd â'u sgiliau a'u diddordebau;
- paratoi ar gyfer dewis opsiynau, profiad gwaith neu gyfweiliadau am swyddi;
- chwilio a gwneud cais am swyddi; a
- chwilio am gyrsiau o blith dros 30,000 o gyfleoedd dysgu.


Darperir ar gyfer partneriaid a rhanddeiliaid hefyd gydag amrywiol adnoddau ar adrannau penodol o'r wefan.


Mae ein sianelau cyfryngau cymdeithasol - Facebook, Twitter, YouTube ac Instagram - yn parhau i ddatblygu'n gyflym.





CIPOLWG AR Y FLWYDDYN


Yn ystod 2015-16:

 Cynhaliwyd **144,286** o gyfarfodydd wyneb yn wyneb â chleientiaid.


 Datblygodd **66,952** o gleientiaid eu sgiliau rheoli gyrfa a chyflogadwyedd yn ystod sesiynau grŵp.

 Cafodd **74,861** o bobl fudd o gymorth personol gan Gyrfa Cymru.


 Roedd **100%** o'r grwpiau rhanddeiliaid yn cytuno ei bod yn hawdd cysylltu â Gyrfa Cymru, ei fod yn deall anghenion, yn gwerthfawrogi ac yn parchu eraill, ac yn cefnogi eu sefydliad yn effeithiol.

 Cafodd **792,021** o ddefnyddwyr afael ar wybodaeth, offer ac adnoddau o ansawdd uchel ar ein gwefan.


Ar ddiwrnod arferol, cyflawnwyd:

 **159** o alwadau ffôn

 **31** sgwrsio ar-lein



 **120** o ebyst neu negeseuon testun

 **19** o sesiynau grŵp



457 o gyfweiliadau wyneb yn wyneb gyda chleientiaid

- 230 mewn addysg;
- 52 o bobl ifanc 16 ac 17 oed yn y farchnad lafur;
- 67 o bobl ifanc 18-24 oed;
- 108 o bobl ifanc 25+.

  Gwelwyd ein negeseuon Facebook **11,949** o weithiau a'n negeseuon Twitter **6,100** o weithiau.

Rydym wedi cyflawni ein pedwar Dangosydd Perfformiad Allweddol fel y'u pennwyd gan Lywodraeth Cymru yn ein llythyr cylch gwaith*:



DPA 1

cyfraniad y sefydliad tuag at gynnydd parhaus pobl ifanc drwy addysg ac i gyflogaeth neu hyfforddiant/addysg bellach.



DPA 2

cyfraniad y sefydliad tuag at leihau nifer y bobl ifanc sydd y tu allan i'r system Addysg, Cyflogaeth a Hyfforddiant.



DPA 3

cyfraniad y sefydliad tuag at sefydlu cysylltiadau effeithiol rhwng ysgolion a chyflogwyr.



DPA 4


bodddhad cleientiaid o ran ansawdd y gwasanaeth a ddarperir, gan gynnwys mewn perthynas â phresenoldeb digidol integredig.

GWEITHIO MEWN PARTNERIAETH

Drwy gydol 2015-16, mae Gyrfa Cymru wedi parhau i weithio'n helaeth gyda rhwydwaith eang o bartneriaid i gefnogi ein cleientiaid i gyflawni canlyniadau llwyddiannus mewn addysg, cyflogaeth neu hyfforddiant. Mae gwaith partneriaeth effeithiol yn hanfodol er mwyn sicrhau bod ein gwasanaethau arbenigol ar gael i gleientiaid sydd eu hangen. Mae gweithio'n agos gyda'n partneriaid a datblygu prosesau sy'n gefnogol i bawb wedi ein galluogi i wneud y defnydd gorau posibl o'n hamser a'n hadnoddau.

Mae ein partneriaid yn cynnwys:

- 215 o ysgolion uwchradd prif ffrwd
- 25 o ysgolion arbennig
- 4 o Wasanaethau Gwella Ysgolion Rhanbarthol
- Busnes yn y Gymuned
- Colegau Cymru
- Seicolegwyr Addysg
- Byrddau Iechyd Lleol
- Unedau Cyfeirio Disgyblion
- Bwrdd Cyfiawnder Ieuenctid – Timau Troseddau Ieuenctid



- Sefydliad Siartredig Personél a Datblygu (CIPD)
- Yr Adran Gwaith a Phensiynau (DWP)
- Ffederasiwn Busnesau Bach
- Canolfan Byd Gwaith (JCP)
- Gwasanaeth Cenedlaethol Rheoli Troseddwyr (NOMS)
- Gwasanaeth Prawf Cenedlaethol Cymru
- Ffederasiwn Hyfforddiant Cenedlaethol Cymru (NTFW)
- Grŵp Cyngtori Dysgu ar gyfer Troseddwyr (OLAG)
- Carchardai
- Cyngorau Sgiliau Sector
- Siambr Fasnach De Cymru
- Y trydydd sector a sefydliadau elusenol
- Cwmni Adsefydlu Cymunedol Cymru
- Siambr Fasnach Gorllewin Sir Gaer a Gogledd Cymru
- Darparwyr dysgu seiliedig ar waith
- Y Gwasanaeth Ieuenctid

Enghraifft o'n gwaith partneriaeth



Drwy weithio mewn partneriaeth â'r Gwasanaeth Ieuenctid yn Aberhonddu, cynhaliodd Gyrfa Cymru sesiynau ar ysgrifennu CV, trafod opsiynau a meithrin hyder ar gyfer disgyblion Blwyddyn 11 a oedd yn wynebu'r risg fwyaf o adael yr ysgol heb gynllun i symud i addysg bellach, cyflogaeth neu hyfforddiant. Llwyddodd yr holl ddisgyblion i gael lle mewn Addysg Bellach gan ymdopi'n dda â'r broses bontio.

- 22 o Awdurdodau Lleol
- 14 o Golegau a Sefydliadau Addysg Bellach
- Yr Adran Addysg a Sgiliau (DfES)
- Cyflogwyr
- Partneriaeth Dysgu, Sgiliau ac Arloesi (RLP y De-ddwyrain)

Enghraifft o'n gwaith partneriaeth



Agorodd Bragdy Marstons safle blaenllaw newydd yn yr Wyddgrug a chynigiodd gyfweiliadau wedi'u gwarantu i nifer gyfyngedig o gleientiaid a fu'n ddi-waith am gyfnod hir. Dewiswyd 12 o gleientiaid gan staff y Ganolfan Byd Gwaith i fynd i ddigwyddiad cyn-gyflogaeth dros bedwar diwrnod. Cynhaliodd Gyrfa Cymru weithdai "Mae'r Argraff Gyntaf yn Bwysig" a "Sgiliau ar gyfer Cyfweiliadau". Cynigiwyd hyfforddiant iechyd a diogelwch a hylendid bwyd hefyd i'r cleientiaid gan asiantaethau partner eraill. O ganlyniad i'r rhaglen hon, llwyddodd 8 o'r 12 o gleientiaid i gael swyddi: 6 gyda Marstons a 2 gyda chwmnïau eraill.

- Bwrdd Uchelgais Economaidd Gogledd Cymru (NWEAB RLP)
- Partneriaeth Dysgu a Sgiliau Rhanbarthol De-orllewin a Chanolbarth Cymru (RLSP)
- Gwasanaethau Cymdeithasol
- Cyngor Gweithredu Gwirfoddol Cymru (WCVA)
- Cymdeithas Llywodraeth Leol Cymru

CYFLAWNIADAU EIN GWASANAETHAU MEWN ADDYSG

Yn 2015-16, cyflwynwyd cynnig newydd i ysgolion a oedd yn cyflwyno hyblygrwydd o ran darparu gwasanaethau sy'n diwallu anghenion unigol sefydliadau a'u dysgwyr.

Mae Gyrfya Cymru yn cefnogi pob Ysgol Uwchradd a gynhelir, Ysgol Arbennig a Choleg Addysg Bellach a ledled Cymru



Cafodd **48,643** o ddysgwyr ifanc gefnogaeth un i un



Aeth **64,177** o bobl ifanc i sesiynau grŵp i ddatblygu eu hymwybyddiaeth o sgiliau rheoli gyrfa a sut i'w rhoi ar waith

Galluogwyd **526** o athrawon/darlithwyr i wella'r ffordd y maent yn darparu addysg gyrfaoedd drwy ein sesiynau hyfforddi ar ddatblygu proffesiynol



Rhodddwyd cymorth i rieni a gofalwyr i gefnogi eu meibion/merched gyda phenderfyniadau pwysig

drwy **19,538** o sesiynau rhyngweithiol



Sefydlwyd **60** o bartneriaethau rhwng busnesau ac addysg



Cefnogwyd **136** o ysgolion uwchradd **22** o ysgolion arbennig ac

11 o golegau addysg bellach i ennill Marc Gyrfya Cymru a'i gadw*



TREFNIADAU PONTIO CADARNHAOL

Symudodd **96%** o bobl ifanc 16 oed **97.2%** o bobl ifanc 17 oed **93%** o bobl ifanc 18 oed

o addysg i addysg bellach, hyfforddiant neu gyflogaeth



Lluniwyd **1,364** o Gynlluniau Dysgu a Sgiliau ar gyfer cleientiaid sydd â datganiad o Anghenion Addysgol Arbennig, neu ddatganiad cyfatebol



Cafodd pobl ifanc yn y system cyfiawnder ieuencid fudd o

83 o sesiynau cyfarwyddyd gyrfa i gefnogi eu rhaglenni adsefydlu



Dod ag ysgolion a chyflogwyr ynghyd

"Llongyfarchiadau am gynnal dau ddiwrnod ardderchog o addysg sy'n gysylltiedig â gwaith. Yn ogystal â'r ffaith bod y disgyblion wedi mwynhau a chael llawer o fudd ohono, fe wnes innau fwynhau hefyd. Roedd yn braf iawn gweld cynifer o'r disgyblion y cyfeirir atynt weithiau fel rhai sydd 'wedi dadrithio' yn cymryd cymaint o ran yn yr hyn yr oeddent yn ei wneud ac yn awyddus i wneud hynny. Da iawn am estyn allan i'r oedolion ifanc hyn ac, mewn nifer o achosion, eu hannog i feddwl (efallai am y tro cyntaf) am eu gyrfaoedd yn y dyfodol."

Anfonwyd gan Athro o Ysgol Tregwyr ar ôl pedwar diwrnod o weithgareddau'n gysylltiedig â gwaith ar gyfer disgyblion Blwyddyn 10.

Helpu rheini i gefnogi eu plant

"Dim ond gair i roi gwybod i chi bod fy mab wedi cael lle ac mae bellach wedi cofrestru ar y cwrs. Diolch yn fawr i chi, fyddwn i ddim wedi gwybod am y cwrs hwn oni bai eich bod wedi dweud wrthyf amdano. Mae ei freuddwydion a gafodd eu chwalu bellach yn angof ac mae e'n ôl ar ei draed ac yn barod i wneud y cwrs hwn ac i fynd i'r brifysgol fel yr oedd wedi'i fwriadu."

Anfonwyd gan riant ar ddiwrnod cyhoeddi canlyniadau arholiadau Safon Uwch a ffoniodd ein llinell gymorth pan nad oedd ei mab wedi gwneud cystal â'r disgwyl o ran ei ganlyniadau AS.



Rhoi sylw i sgiliau gwerthfawr yn y gweithle - Y Gymraeg

Cymerodd disgyblion Blwyddyn 9 yn Ysgol Dyffryn Aman ran mewn amrywiaeth o weithdai i godi ymwybyddiaeth o'r cyfleoedd yn y gweithle a'r galw gan gyflogwyr am siaradwyr Cymraeg.

Cymorth i ddisgyblion gydag Anghenion Dysgu Ychwanegol

"Diolch yn fawr i chi am y gwasanaeth rhagorol y mae'r ysgol wedi'i gael gan Gyrfya Cymru eleni. Cafodd y staff a'r disgyblion fudd mawr yn sgil cael mynediad rheolaidd i gynghorydd gyrfa yn yr ysgol. Mae hyn wedi lleihau gofidiau nifer o rieni a gofalwyr wrth iddynt wynebu'r cyfnod pontio anodd rhwng yr ysgol a'r coleg. Mae gwerth y gwasanaeth a phroffesiynoldeb eich cynghorydd ynghyd â'i dealltwriaeth o anghenion yr ysgol a'r disgyblion yn amhrisiadwy. Edrychwn ymlaen at weithio gyda chi y flwyddyn nesaf a gobeithiwn y gall y berthynas barhau i ddatblygu a ffynnu."

Anfonwyd gan Bennaeth Dros Dro Ysgol Arbennig

* rhoddir y marc hwn i'r sefydliadau sy'n ymrwmo i welliant parhaus o ran eu darpariaeth Gyrfaoedd a'r Byd Gwaith

CYFLAWNIADAU EIN GWASANAETHAU DIGIDOL

Yn ystod 2015-16, gwnaethom barhau i ddatblygu ein gwasanaethau digidol.

Mae hyn wedi ehangu ein cysylltiadau, gan roi'r cyfle i gleientiaid gael mynediad at wasanaethau ar yr adegau a thrwy'r sianelau sy'n diwallu eu hanghenion orau.

GYRFACYMRU.COM

1,452,235

o sesiynau gan

792,02

o ddefnyddwyr

45,965

o gyfrifon cofrestredig newydd

Cynhyrchodd

273,394 o

ddefnyddwyr syniadau gyrfa personol a oedd yn cyfateb i'w sgiliau a'u diddordebau gan ddefnyddio'r Cwis Paru Swyddi ar ein gwefan

80,904

o ddefnyddwyr Cysiau yng Nghymru

39,000 co

alwadau i Cyswllt Gyrfu Cymru, ein llinell gymorth rhad ac am ddim



Gwella profiad defnyddwyr gyda'r hafan a'r tudalennau proffil newydd bellach yn gallu cael eu defnyddio ar ddyfeisiau symudol/llechen



SGWRS AR-LEIN

Cafwyd **7,634**

o ymholiadau drwy'r cyfleuster 'sgwrsio' rhyngweithiol ar gyrfacymru.com



Cynhyrchodd

24,423

o ddefnyddwyr syniadau gyrfa personol a oedd yn cyfateb i'w sgiliau a'u diddordebau gan ddefnyddio'r Cwis Paru Swyddi ar ein gwefan



Yr adran **Tueddiadau Swyddi** wedi'i diweddarau a'i hadfywio – **Gwybodaeth Marchnad Lafur (GML)**

phygyrch a chyfredol yn rhoi pwyslais ar amrywiaeth o ddiwydiannau, gan gynnwys:

- Y diwydiannau creadigol
- Bwyd a Ffermio
- Twristiaeth, Lletygarwch a Hamdden



Anfonwyd **105,223** o

e-byst a **97,043** o **negeseuon testun**

yn rhoi bwletinâu am swyddi gwag i gleientiaid a negeseuon yn eu hatgoffa am apwyntiadau



Lansio

Ap Chwiliad Gyrfu

Gyrfa Cymru gyda gwybodaeth am dros **1,400** o swyddi

Golwg ar sectorau allweddol – Gwybodaeth Marchnad Lafur

Mae gwybodaeth marchnad lafur (GML) o ansawdd uchel yn hanfodol i gynorthwyo unigolion i wneud dewisiadau deallus o ran eu haddysg a'u gyrfa a mynd i'r afael â'r bwllch rhwng dyheadau gyrfa a realiti'r farchnad lafur.

Yn ystod y flwyddyn, crëwyd a chyhoeddwyd cyfres o adnoddau 'Tueddiadau Swyddi' atyniadol. Eu diben oedd ehangu gorwelion, codi ymwybyddiaeth ac ysgogi diddordeb mewn sectorau â blaenoriaeth yng Nghymru - y rhai a nodwyd gan Lywodraeth Cymru fel y sectorau sydd â'r potensial mwyaf o ran twf a swyddi.

Cyhoeddwyd y gyfres ar ein gwefan ac fe'i hyrwyddwyd ar draws sianelau'r cyfryngau cymdeithasol, a darparodd haenau o wybodaeth ddefnyddiol am dueddiadau cyflogaeth cyffredinol i bobl ifanc ac oedolion - gan gynnwys gwybodaeth am gyflogau a'r galw yn y dyfodol, ynghyd â syniadau ynghylch swyddi yn y sector, llwybrau i mewn iddo, manau lle mae'r galw mwyaf o ran swyddi ledled Cymru a'r sgiliau y mae galw amdanynt.



Lansio Golwg ar Fwyd a Ffermio yn Sioe Frenhinol Cymru 2015

Defnyddio'r cyfryngau cymdeithasol i wella ymwybyddiaeth ac ymgysylltu

Eleni, mae ein presenoldeb ar y cyfryngau cymdeithasol wedi cynyddu'n sylweddol. Fel sianel gyfathrebu allweddol ar gyfer ein cynulleidfaoedd targed, rydym wedi datblygu amrywiaeth o adnoddau sydd wedi'u hanelu at gynyddu ymgysylltiad ac ymwybyddiaeth o negeseuon gyrfa allweddol.

Mae hyn wedi arwain at gynydd o **859%** yn y nifer sy'n hoffi ein tudalen Facebook ac mae ein tudalen wedi'i gweld gan **3.2 miliwn**.

Bu cynnydd o **45%** yn nifer ein dilynwyr ar Twitter a chynyddodd y nifer sydd wedi gweld ein negeseuon i **2.3 miliwn**.



Chwe ffordd i'ch helpu i chwilio am swydd

Cynhyrchwyd amrywiaeth o fideos cyngor gyrfa eleni a'u rhoi ar ein sianel YouTube. O fewn dim ond 6 mis, mae ein fideos eisoes wedi cael eu gweld dros 250,000 o weithiau.

CYFLAWNIADAU EIN GWASANAETHAU YN Y FARCHNAD LAFUR

Yn ystod 2015-16, datblygwyd a darparwyd gwasanaethau i gefnogi pobl ifanc ac oedolion yn y farchnad lafur a gwella canlyniadau'r rhai sydd â'r anghenion mwyaf.

<p>Gwnaethom ddilyn trywydd a rheoli data ar statws cyflogaeth pob unigolyn 16-18 oed yng Nghymru a darparu gwybodaeth i bob awdurdod lleol er mwyn sicrhau bod y rhai sydd â'r anghenion mwyaf yn cael cymorth effeithiol</p>	<p>Cafodd 20,739 o bobl ifanc 16-24 oed sy'n ddi-waith fudd o gymorth personol wedi'i deilwra i'w hanghenion.</p> <p>Datblygodd 2,733 o gleientiaid eraill sgiliau cyflogadwyedd yn ystod sesiynau grŵp a chlybiau gwaith</p>	<p>Cefnogwyd 3,602 o bobl ifanc 16-17 oed sy'n ddi-waith sydd wedi cael budd o'n gwasanaethau i gael swyddi neu hyfforddiant</p>
<p>Cafodd 5,760 o gleientiaid fudd o'n cefnogaeth i barhau â'u haddysg yn y gwaith neu eu swydd</p>	<p>Cofrestrodd 1,138 o bobl i ddefnyddio 'Sgiliau i Lwyddo' er mwyn datblygu eu sgiliau cyflogadwyedd.</p> <p>O fewn blwyddyn, roedd 340 wedi cael canlyniad cadarnhaol</p>	<p>Gwnaethom weithio drwy bartneriaid i fynd â'n gwasanaethau allan i gleientiaid drwy:</p> <ul style="list-style-type: none"> • ffeiriau swyddi • siopau dros dro, a • Sioe Deithiol 'Wyt Ti'n Barod Am Waith?'
<p>Cafodd 8,249 o gleientiaid di-waith 25+ oed fudd o'r Porth Sgiliau Unigol i asesu eu sgiliau ac ymchwilio i opsiynau gyrfa drwy 14,214 o gyfweiliadau unigol a 571 o glybiau a chlinigau swyddi</p>	<p>Rydym wedi cefnogi 1,397 o unigolion di-waith 25+ oed i gael swydd neu hyfforddiant sgiliau</p>	<p>Rydym wedi cefnogi 4,973 o unigolion sy'n wynebu diswyddiad gyda 2,495 o geisiadau am gyllid ReAct yn cael eu cymeradwyo.</p>

Cymorth i'r rhai sy'n wynebu diswyddiad

"Rwy'n ddiolchgar iawn i Gyrfu Cymru am eu help yn ystod y cyfnod anodd ar ôl i mi gael fy niswyddo a fyddwn i ddim wedi gallu sefydlu fy musnes fy hun heb arweiniad y cyngorwyr gyrfa wrth wneud cais am gyllid ReAct."



Ceri Rees, sydd wedi lansio cwmni ymgynghorol ym Mhort Talbot

Ymgysylltu â chymunedau

Rydym wedi sefydlu ein hunain fel asiantaeth y mae pobl yn ymddiried ynddi ymysg cymunedau sipsiwn a theithwyr ac wedi ymgysylltu'n gadarnhaol â chenedlaethau o deuluoedd. Drwy ein gwaith parhaus i chwalu'r hiliaeth uniongyrchol ac anuniongyrchol a wynebir gan y diwylliant hwn, rydym wedi ennyn parch ac yn gallu adeiladu pontydd er mwyn ymgysylltu'n gadarnhaol â dysgwyr o gymunedau sipsiwn a theithwyr.

Rhoddodd un aelod ifanc o'r gymuned hon, y gwnaethom weithio gyda hi 10 mlynedd yn ôl, ddiweddariad i ni ar ei chynnydd ers iddi fanteisio ar ein cefnogaeth. Mae hi ar fin dechrau cymhwyster Lefel 5 mewn Gofal Plant.

Lledaenu'r neges gyda'n sioe deithiol 'Wyt Ti'n Barod Am Waith?'

Cynorthwywyd mwy na 2,000 o bobl ifanc sy'n gadael yr ysgol i baratoi am y byd gwaith yn sioe deithiol 'Wyt Ti'n Barod Am Waith?' Gyrfu Cymru a deithiodd o amgylch y wlad ym mis Gorffennaf.

Roedd y sioe yn mynd i'r afael â phryderon busnesau ynghylch y ffaith nad oes gan nifer o'r rhai sy'n gadael yr ysgol yr agwedd gywir ar gyfer y gweithle drwy gynnig sesiynau un i un ar gyflogadwyedd i bobl ifanc.

Drwy ymweld â Chaerdydd, Casnewydd a Wrecsam, datblygodd y rhai sy'n gadael yr ysgol y meddylfryd cywir ar gyfer dechrau gweithio gyda dosbarthiadau ar lunio CV, gwybodaeth a chynghor mewnol, cyfredol am y farchnad lafur gan gynghorwyr hyfforddedig Gyrfu Cymru a'r cyfle i wneud cais am swyddi gwag yn y fan a'r lle.

Roedd yr adborth o'r digwyddiad yn gadarnhaol:
KB, 19, o Gas-gwent



"Rwy'n meddwl bod y sioe deithiol 'Wyt Ti'n Barod Am Waith?' yn syniad gwych, gan ei fod yn rhoi cyfle i bobl siarad ag arbenigwyr gyrfa ar garreg eu drws yn hytrach na mynd i chwilio amdano, ac mae bod mewn lleoliad llai ffurfiol yn helpu hefyd - roeddwn yn teimlo'n gyfforddus iawn yn siarad â'r cynghorwyr."

EIN STAFF

Rydym yn falch iawn o'n tîm o staff yn Gyrfa Cymru a'r hyn y maent wedi'i gyflawni. Maent yn frwdfrydig ynghylch yr hyn y maent yn ei wneud a'r gwahaniaeth y gallant ei wneud. Mae eu penderfyniad parhaus i weithio gyda chydweithwyr, partneriaid a chleientiaid i sicrhau canlyniadau cadarnhaol sy'n gwneud gwahaniaeth gwirioneddol i fywydau pobl yn tystio i'w proffesiynoldeb a'u hymrwymiad.

Mae ein cynghorwyr gyrfa cymwys ar gofrestr broffesiynol y Sefydliad Datblygu Gyrfaoedd.

Dyma beth mae rhai o'n staff wedi'i ddweud ynglŷn â pham maent yn mwynhau gweithio i Gyrfa Cymru:

"Rwy'n falch iawn o'r gwaith rydym yn ei wneud yn Gyrfa Cymru i helpu pobl sy'n dod o amrywiaeth o gefndiroedd ac o amgylchiadau gwahanol iawn, i symud ymlaen gyda'u nodau gyrfa. Rwy'n ffodus o weithio gyda thîm mor ymroddedig a brwdfrydig sy'n gweithio gyda chleientiaid dros y ffôn i'w cefnogi gyda'u camau nesaf."

Charlotte Nash, Arweinydd Tîm, Llinell Gymorth, Caerdydd



"Rwy'n mwynhau gweithio i Gyrfa Cymru ac mae cael sylwadau cadarnhaol gan gleientiaid yn rhoi boddhad mawr i mi. Mae'n crynhoi'r effaith gadarnhaol rwyf wedi'i chael arnynt ac mae'n gwneud i mi weld yr hyn y gall cymorth unigol ei wneud i helpu i sicrhau bod y cleientiaid hyn yn cael canlyniadau cadarnhaol"

Changez Assen-Khan, Cynghorydd Gyrfa, Pen-y-bont ar Ogwr

"Rwyf wedi gweithio i Gyrfa Cymru ers 10 mlynedd ac mewn 5 swydd wahanol. Yr hyn rwy'n ei fwynhau fwyaf yw gweithio gyda thîm gwych o bobl sy'n ymrwymedig a brwdfrydig ynghylch helpu pobl i wneud y dewisiadau cywir i wella eu rhagolygon yn y dyfodol. Rwy'n credu o ddifrif y gallwn wneud gwahaniaeth mawr gyda'n gilydd"

Amie Field, Rheolwr Ardal, y Rhyl



"Rwyf wrth fy modd gyda'm swydd fel Cynghorydd Cyswllt Busnes. Y rhan orau o'm swydd yw cydweithio â nifer o

bartneriaid mewnol ac allanol er mwyn sicrhau bod y gwasanaeth yr ydym yn ei ddarparu yn cael ei gryfhau wrth i ni gydweithio, p'un ai ar raglenni mewn ysgolion, digwyddiadau ar gyfer sector penodol neu ddigwyddiadau mawr."

Emma Benger, Cynghorydd Addysg Busnes, Rhydaman

"Rwy'n cael pleser o glywed rhyddhad yn llais rhywun oherwydd y cyngor neu'r wybodaeth yr ydych wedi'i roi iddyn nhw. Neu o wybod fy mod wedi tawelu meddwl nain neu daid/rhiant sy'n pryderu am berthynas yn ei ardegau. A chleientiaid sy'n ddiolchgar am eich amynedd a'ch amser yn rhoi gwybodaeth iddynt am gyllid/cyrsiau."

Steph Nichols, Cymhorthydd Gyrfa, Llinell Gymorth

CYFRANIAD AT FESURAU PERFFORMIAD

AR GYFER SGILIAU LLYWODRAETH CYMRUE

Mae Llywodraeth Cymru wedi pennu pedwar o fesurau perfformiad, sy'n cefnogi'r gwaith o roi'r Cynllun Gweithredu Sgiliau ar waith. Mae Gyrfa Cymru wedi cyflawni pob mesur yn llwyddiannus drwy fodloni amrywiaeth o amcanion, fel yr amlinellir isod:



Swyddi a Thwf

- › Gwella effeithlonrwydd a chynhyrchiant marchnadoedd llafur drwy leihau camgyfatebiaeth sgiliau a hwyluso'r trefniadau pontio i waith;
- › Helpu pobl i wireddu eu potensial drwy hyrwyddo dealltwriaeth ac ymwybyddiaeth well o'r Wybodaeth Marchnad Lafur (GML) a meysydd blaenoriaeth economaidd Llywodraeth Cymru; a
- › Lleihau diweithdra ymysg pobl ifanc ac oedolion.



Cydraddoldeb a Thegwch

- › Darparu cymorth arbenigol i bobl ifanc ag Anghenion Dysgu Ychwanegol (ADY);
- › Darparu gwasanaethau i bobl o bob oed wedi'u targedu ar gyfer y rhai sydd â'r angen mwyaf – gan gefnogi'r bobl ifanc hynny y mae risg iddynt beidio â bod mewn addysg, cyflogaeth na hyfforddiant a thrwy gynorthwyo oedolion i gael gwaith; a
- › Canolbwyntio ar anghenion grwpiau sydd wedi'u tangynrychioli mewn cyflogaeth, dysgu neu hyfforddiant a thrwy herio stereoteipio a gwahanu galwedigaethol.



Meincnodi Sgiliau'n Rhyngwladol

- › Codi ymwybyddiaeth o'r cyfleoedd dysgu a hyfforddi sydd ar gael a'r llwybrau canlynol ar gyfer gwneud cynnydd;
- › Cynyddu'r uchelgais a'r ysgogiad i gymryd rhan mewn addysg a hyfforddiant a gwella cyrhaeddiad (yn enwedig o ran mathemateg a Saesneg); a
- › Lleihau'r nifer sy'n gadael addysg a hyfforddiant.



Cynaliadwyedd Ariannol


- › Annog cyflogwyr i fuddsoddi yn sgiliau eu staff.

EDRYCH I'R DYFODOL

Rydym yn gobeithio bod yr adroddiad hwn wedi rhoi blas i chi o waith ac effaith Gyrfa Cymru, yn ystod dim ond ein trydedd flwyddyn fel cwmni sy'n gwasanaethu Cymru gyfan. Rydym yn falch o'n llwyddiannau a gyflawnwyd yn ystod cyfnod o newid sylweddol, cwtogi ac ansicrwydd. Wrth i'r sefydliad aeddfedu, gyda mwy o sefydlogrwydd ac eglurder ynghylch ein diben, rydym yn hyderus y gallwn wneud cyfraniad cryfach fyth.

Yn hydref 2016 byddwn yn cyflwyno Gweledigaeth Strategol newydd ar gyfer Gyrfa Cymru i Lywodraeth Cymru. Bydd yn dangos sut y gallwn gefnogi nod Llywodraeth Cymru o sicrhau Cymru fwy llewyrchus, iach ac uchelgeisiol.

Caiff y weledigaeth ei chyflawni gan staff proffesiynol a diduedd gan ddefnyddio technoleg a dulliau arloesol. Yn seiliedig ar dystiolaeth ac arfer gorau rhyngwladol, ac wedi'i llywio gan farn rhanddeiliaid a dinasyddion, rydym yn rhagweld y bydd nodweddion allweddol y Weledigaeth Strategol hon yn cynnwys:



Alinio ein gwaith gyda pholisïau allweddol Llywodraeth Cymru, megis Dyfodol Llwyddiannus, Deddf Llesiant Cenedlaethau'r Dyfodol a'r addewid i gynyddu nifer y prentisiaid

Gwasanaethau dwyieithog i bob oedran - gyda ffocws cryfach ar helpu pobl ifanc drwy gyfnodau pontio allweddol



Dull 'cyfunol' newydd o ddarparu gwybodaeth, cyngor a chyfarwyddyd gyrfaoedd i bobl ifanc a rhoi'r 'Model Darganfod Gyrfa' ar waith sy'n cyfuno offer digidol, amryw o sianeli a Chyfarwyddyd Gyrfa proffesiynol

Ystod newydd o wasanaethau cymorth i sefydliadau partner



Mwy o integreiddio gwasanaethau er mwyn manteisio ar arbedion maint a chwmpas, fel bod y cyfan yn fwy na swm ei rannau

Gwell cysylltiadau â busnes yn seiliedig ar y wybodaeth orau a diweddaraf am y Farchnad Lafur; a ffocws cliriach ar ddulliau mesur effaith a pherfformiad

